

一切功德莊嚴王經

經

拔除罪障咒王經

佛說善夜經

虛空藏求聞持法

貳百

羊三

48761



元祿九年丙子二月日重脩

皇圖永固 帝階級昌

佛日增輝 懋輪常轉

山城州天安寺法金剛院置

法華經



四經同卷第三

一切功德莊嚴王經九

拔除罪障呪王經

佛說善夜經

虛空藏菩薩能滿諸願最勝心陀羅尼求聞持法

佛說一切功德莊嚴王經

大唐三藏法師

義淨



如是我聞一時薄伽梵在王舍城羯蘭鉢迦池竹林園中與大苾芻衆五百人俱菩薩摩訶薩千二百人皆得陀羅尼辯才無滯獲無染智遊無礙境善權方便攝引衆生觀察世間心行平等饒益慈悲意樂純淨於諸佛所

甚深妙法悉能諮問其名曰慈氏菩薩摩訶  
薩常勤勇菩薩摩訶薩平等住菩薩摩訶薩  
大慧菩薩摩訶薩無邊辯菩薩摩訶薩勇慧  
菩薩摩訶薩觀自在菩薩摩訶薩除疑菩薩  
摩訶薩如是等諸大菩薩摩訶薩而爲上首  
并諸釋梵護世四天王龍神八部及諸外道  
數有六千各將眷屬悉皆雲集此等大衆咸  
至佛所禮佛足已右遶三匝雨妙天花奏天  
音樂燒衆名香而爲供養尔時大衆咸作是  
語善哉善哉如來教法具大威德有歸信者  
能斷煩惱作是語已各坐一面  
尔時世尊入能斷惑離垢三摩地入此定時

大地即便六種震動雨天細末微妙栴檀及  
妙天花在處弥布放大光明周遍世界若諸  
有情墮惡趣者蒙光得脫亦至一切天龍藥  
叉八部之衆所居宮殿無不明照聞天音樂  
及天妙香彼諸天神見不思議希有事已皆  
生是念誰作如是殊勝神力令地大動雨天

香華放大光明照耀宮室作是念已互相告  
曰此是如來現大威德非餘天等能有斯瑞  
我等今者應往竹園詣世尊所禮拜供養聽  
聞妙法彼各持天喞鉢羅花拘物頭花分陀  
利花蘇健提花曼陀羅花摩訶曼陀羅花至  
世尊所頂禮雙足而爲供養兩衆天花弥滿

大地積至于膝瞻仰尊顏合掌恭敬復有他  
方無量菩薩及執金剛菩薩莊嚴王菩薩并  
萬億諸天持呪神王見大光明各以威力作  
妙莊嚴香華音樂來至佛所并諸眷屬皆繞  
三匝虔誠合掌禮佛雙足爲供養已皆具威  
儀退坐一面

尔時慈氏等諸大菩薩見諸大衆皆雲集已  
作如是念我觀大衆咸至佛所必當演說不  
可思議殊妙之法咸皆寂慮紵聽微言是時  
世尊知諸菩薩一切大衆心之所念即從定  
起告莊嚴王菩薩言善男子汝今宜去觀此  
大地何所見耶時莊嚴王菩薩承佛教已從

座而起即觀大地既遍觀已還至佛所禮佛  
雙足在一面立白佛言世尊我承佛教觀此  
大地所有人天一切大衆並皆雲集唯願慈  
悲爲諸衆生作饒益事

尔時佛告莊嚴王菩薩言汝當一心聽我所  
說我今當與六十四億有緣衆生授無上菩  
提記尔時執金剛菩薩即從座起合掌向佛  
白言世尊今有無量億數天龍藥叉及諸羅  
刹剎闍婆阿脩羅揭嚕荼緊那羅莫呼洛伽  
人及非人并諸外道悉皆來集世尊今正是  
時唯願爲說一切法功德莊嚴王經能銷一  
切業障能滅一切罪若能斷一切魔業未信

有情今生敬信除去飢饉常得豐樂銷諸疾  
病遠離枉死亦令有情永除追悔悉得安隱  
常受快樂世尊我往昔時曾於電光佛所聽  
受此經纔得聞已一切妙法皆得現前一切  
惡道悉皆閉閉所有業障咸得銷除唯願慈  
悲為衆演說作是語已世尊默然

尔時執金剛菩薩亦復如是再三懇勸請  
為說佛告執金剛菩薩言善男子汝勿請我  
說一切法功德莊嚴王經何以故我若說者  
於後惡世當有衆生不能信受作如是語此  
經非是如來所說亦非讚毀此經能招善惡  
二種之業然彼衆生為慳貪故不能恭敬供



養是經於說法師亦不親近謗毀是經廣興  
不信於現世中造衆惡業未來之世墮地獄  
中受燒然苦善男子如此經王深可尊重猶  
如父母復能滅除諸惡業障然於五濁惡世  
非是說時亦非聽時何以故勿當令彼一切  
外道及諸有情墮於地獄餓鬼傍生長受諸  
苦然此衆生信心闕少樂著諸欲勤營俗務  
販賣諍訟於此經典必起謗心此等衆生命  
終之後墮八大地獄當受極苦

今時衆中有八萬人俱從座起頂禮佛足白佛  
言世尊我等深心信是經典尊重供養書寫  
讀誦廣爲他說若有愚人不信此法由慢法

故亦當毀罵輕凌於我我於今時悉皆忍受  
報此經恩終無恨忿唯願為說殊勝經典所  
以者何此妙經王於當來世利益衆生如佛  
無異作是語已退坐一面執金剛菩薩白佛  
言世尊云何菩薩摩訶薩求善知識佛言善  
男子求善知識應當如是成就四法一者數

往請問二者起精勤心三者意樂清淨四者  
尊重愛法執金剛菩薩白佛言世尊云何菩  
薩住阿蘭若佛言善男子成就四法住阿蘭  
若一者捨離俗家二者遠惡知識三者盡捨  
財物四者常攝自心

今時觀自在菩薩白佛言世尊我不見有聞

此經人墮惡趣者世尊此經有大威德難可  
思量世尊若有暫聞此經禮拜讚歎供養恭  
敬獲無量福何況書寫讀誦受持種種香花  
而為供養及說法師以衣食等而為供養如  
是之人一切諸佛共所護念為其授記當得  
往生安樂世界如是法師與佛無異佛言善  
哉善哉善男子我亦供養如是法師亦為授  
記當得生於安樂世界速趣菩提若復有人  
於諸佛所及此經典尊重恭敬以妙香花塗  
香末香衣服纓珞種種音樂幢蓋繒幡而供  
養者此人終無非時橫死無有怨賊兵戰之  
怖亦無父母妻子眷屬朋友知識憂感之苦

有所希求無不遂意善男子諸佛出世其事甚難得聞是經更難於彼若斯經典所在之處城邑聚落蘭若林中及餘住處當知此地即是諸佛世尊之所攝受

尔時執金剛菩薩白佛言世尊觀自在菩薩者以何因緣名觀自在世尊告曰常以淨眼觀察世間所有衆生慰喻成熟慈悲利益便得安隱若稱名者有所願求咸令滿足以是因緣名觀自在復白佛言若有衆生但稱觀自在菩薩名者尚得滿足所求之事何況有人供養如來及此經典書寫讀誦廣爲他說衣服香花而爲供養此人得福無量無邊

觀自在菩薩白佛言世尊此經大有威德能  
作佛事唯願世尊更為哀愍諸衆生故爲說  
陀羅尼呪佛言善男子有陀羅尼名曰勝妙  
我昔爲菩薩時於勝妙世界妙音佛所與諸  
大衆共聞此陀羅尼呪旣受得已證十地法  
無量衆生悉皆獲得無生法忍

爾時會中諸菩薩衆皆從座起白佛言世尊  
唯願慈悲憐愍我等說此陀羅尼呪爾時世  
尊以梵音聲即說呪曰

怛姪他 逝也逝也 逝耶縛訶上 佉縛訶

逝也縛訶 忽魯忽魯鉢頭摩引聲 薛阿婆

麼梵謎薩囉薩唎泥去地哩地哩地囉地哩

提婆頌鉢利波唎泥

去

瑜陀唄多唎你鉢囉

斫羯囉你婆唎

你脯唎也

婆伽梵

我名某甲由佛加護一切所求咸願圓滿一

切罪業皆悉消除

莎訶

佛言善男子此勝妙陀羅尼呪能除一切罪障能摧伏他軍永無飢饉疾疫災難病苦之事常能豐饒倉廩盈實增益壽命此陀羅尼呪是諸佛母若有善男子善女人信心頂禮恭敬供養書寫讀誦受持此經亦復供養持經法師此人業障皆得消滅不遭橫死於現身中常受歡樂父母妻子朋友眷屬悉皆安隱所有願求無不遂意執金剛菩薩復白佛

言世尊我亦敬心持是經典若復有人以妙  
香花并諸飲食供養此經及法師者我亦隨  
喜同心供養此經在其國土王及諸人我皆  
擁護令離衰惱所求遂願世尊我今發起勇  
猛之心為彼國王及信受者亦為宣說陀羅  
尼呪而為擁護佛言善男子汝能為諸衆生

利益安樂說陀羅尼我當隨喜今時執金剛  
菩薩以佛神力所加持故說此陀羅尼呪

南麼薩婆勃陁 怛他揭多喃引

南麼阿彌多婆也 怛他揭多也

南麼薩婆菩提薩埵喃 南麼薩婆莫嚩地

雞弊毗也 怛姪他虎呼謎虎呼謎末底

莫訶末底 跋折羅末底 姪栗荼跋折羅

末底 怛他揭多 阿奴鉢哩婆利帝

薩囉薩囉 阿瑜目企 苾哩俱擻 毗

俱多目企 訖栗閉 訖栗波鹿計 薩帝

丁也 阿奴颯末囉 薄伽梵跋折囉波你

薩婆波跋羯麼實也 我某甲自稱所有願

求皆得遂意當與我願以佛陀實語達磨實

語菩薩實語聲聞實語 莎訶

世尊若復有人欲入菩薩地願見諸如來樂

生淨土及希富貴財寶豐盈無病延壽者應

當於此微妙經典及以法師書寫讀誦香花

伎樂衣服飲食繒蓋幢幡而為供養如是之



人我當擁護所求願滿常起愛念猶如一子  
世尊若復有人稟性癡鈍欲求聰明及護國  
土令無疾疫者當於白月八日起首一日斷  
食念誦此呪至十五日乃至月盡於中唯食  
三種白食謂白飯乳酪清淨澡浴誦此神呪  
滿十萬遍若有力者滿三十萬遍常可隨力  
供養三寶次令畫師受八戒齋身衣淨潔而  
畫其像於其鋪中安釋迦佛像處師子座作  
說法儀右邊安觀自在菩薩以諸嚴具而莊  
飾之於蓮華上立身有四臂右邊上手執梵  
本經下手執數珠左邊上手執白蓮華下手  
把君持左邊安執金剛神右手執金剛杵左手

遙承杵頭顏貌和悅瓔珞嚴身於其四邊安  
護世四天王此等尊像皆以繒帶盛佛舍利  
刺在身中次於像前可作一壇隨時大小四  
面開門以牛糞塗拭種種香花散布其上香  
鑪五具別然五香所謂沉檀蘇合安悉熏陸  
於壇四門各安兩瓶或盛清水或復盛乳燈  
盞十六隨處安置懸繒幡蓋及衆音樂香水  
灑地香華飲食而為供養於壇四角令人讀  
誦此經各各澡浴著鮮淨衣食三白食其所  
為人置華手中令彼合掌說所求事起慈念  
心隨情發願以華散佛有所願者皆得從心  
於七日中我當為現殊勝相狀令見好夢共

其言語滿彼求心除不信者佛言善哉善哉  
汝能愍諸有情說此呪法

尔時觀自在菩薩告執金剛菩薩言此妙經  
典難可值遇薄福衆生於其國內雖有此經  
不能得見亦復不能書寫讀誦聽聞受持何  
以故由有惡魔爲障礙故

復次善男子若有衆生書寫讀誦此經典時  
有四惡魔而爲惱亂云何爲四一者情生懈  
怠二者起不信心三者於法師處不生尊重  
四者心不能定此人即應知是魔事復有四  
種惡魔之業云何爲四一者遠離善知識二  
者不如理作意三者不解文字四者唯見現

在言無未來造諸惡業心無怖懼說無因果  
我說者是餘皆非法樂營俗務貪染所纏如  
是衆生當墮地獄經無數劫受大苦惱  
復次有四種魔云何為四一者貪著財物二  
者親近惡友三者障礙法師四者於法師說  
陳其罪過是等衆生由此業故當受貧窮不

見善友遠離尊師作邪見想說無因果墮於  
地獄受諸劇苦佛告大衆我今再三實言告  
汝勿為放逸輕此經典一心信受莫生誹謗  
尔時世尊欲重宣此義而說頌言

我曾宣說衆經王

今諸衆生得正覺

今更說斯真妙典

汝聞恭敬善修行

勿受當來極苦痛

墮在地獄經多劫

能於此經生信心

世世常爲我真子

又復供養此經者

當得生於淨土中

現無羅刹鬼神欺

亦無衆惡來侵擾

若此經王所住處

無諸灾厄能害人

所有求願悉隨心

安樂能至菩提岸

尔時四天王聞此頌已悲泣流淚舉身顫掉

礼佛雙足白言世尊我等四天王若見守持

此經法師我當供養彼說法時及諸聽衆皆

當覆護若有國王於此經典書寫讀誦受持

供養者我當擁衛及彼國人由如一子亦以

衣服瓔珞而供給之今彼國界豐饒財寶無

所闕乏若戰陣時常今得勝念報佛恩我無  
懈怠世尊若復有人聞此經典不生信心供  
養法師者我於是人無有方便能為救脫但  
生憂惱佛言善哉善哉汝護正法能生如是  
殷重之心

尔時持國天王軋達婆主從座而起頂礼佛  
足合掌恭敬白佛言世尊當來之世有諸眾  
生常行不善不信如來於此經典不能供養  
書寫讀誦亦不行施不信布施有現世樂報  
世尊大慈為如是等不信人故說此經典令  
彼受行佛言善男子有二種事今諸眾生墮  
大地獄生死輪迴一者婬欲二者瞋恚復有

四法令諸衆生生人天中云何爲四一者於  
諸衆生心行平等二者於三寶所起殷重心  
三者所有資生皆悉能施四者堅持梵行無  
今有缺介時世尊欲重宣此義而說頌言  
布施能有大威神  
衆生慳貪癡所惑  
聞此經典不敬受  
捨身當墮於惡趣  
饒益國主及人民  
令離惡病衆邪惱  
若有信經書寫人  
一切衆生智如佛

於三惡趣拔衆苦  
種種染欲惱其情  
於佛法中無信施  
常受無邊大劇苦  
我說斯經具威德  
不被藥义等所害  
供養能生無量福  
多劫說福不能盡

若有經於多劫數

不如於此妙經王

持前功德比此福

是故智人於此經

尔時觀自在菩薩白佛言世尊當來之世若有善男子善女子善女人於此經典深生敬信以妙香花及諸飲食衣服卧具咸悉供養說法之師及寫此經讀誦之者此人現世必當獲得無量福利饒益其身離諸病苦眼等六根清淨無患不遭水火飢饉厄難亦無惡毒之所中傷一切有情見者歡喜命終之時見不動佛來相慰喻告言善男子汝修善根其福無

此為億分不及一

一心奉行無懈怠

供養一切諸菩薩

暫時信心書一字

暫時信心書一字

此為億分不及一

一心奉行無懈怠



量十方淨土極樂世界隨意受生

尔時觀自在菩薩白佛言世尊善哉善哉世尊爲欲哀愍瞻部洲中諸衆生故說此經典當來之世廣作佛事利益衆生此大明呪能除一切極重業障佛言善男子惡業衆生其罪深重不聞此經不能書寫受持讀誦若有

衆生聞此經典書寫受持尊重供養當知皆是佛之威神力故若復有人於此經典能爲他人說一字者供養此人與佛無異何以故善男子此經乃是過去七千諸佛之所宣說一切菩薩悉皆隨喜諸天擁護是菩薩母尔時執金剛菩薩白佛言世尊此之經典於

未來世當於何處具足流通佛言善男子此  
經當於海龍王宮及三十三天皆具足有瞻  
部洲中但有少分隨處流通佛言善男子我  
今以此經典付囑於汝應當受持供養擁護  
與佛無異在處流通勿令斷絕利益衆生廣  
爲佛事執金剛菩薩白佛言世尊我今受佛  
教勅流布此經亦復護彼持經法師佛言善  
哉善哉善男子此實是汝所作之事  
復次觀自在菩薩白佛言世尊我今至誠敬  
禮如是微妙經典於說法者及書寫人悉皆  
供養世尊若有薄福之國無道君王設有此  
經不能供養及以法師此經隱沒彼國當有

災難惡事禍變現前如是當知正法欲滅智  
者見已般心供養佛言善哉善哉善男子如  
汝所說假使有人滿足千歲以種種樂具供  
養諸大菩薩及聲聞衆數若恒河沙復以七  
寶同此沙數而爲布施後捨自身善男子如  
是之福比於供養持經之福乃至一句一字  
百千萬分彼不及一何況盡能書寫讀誦何  
以故此經及呪有大威力若受持者了身無  
堅如幻如夢知法無我蒙佛授記得大菩提  
亦時大衆一切菩薩及天龍藥叉阿蘇羅揭  
路荼人非人等皆共一心同聲讚佛善哉善  
哉此是第二轉大法輪我等悉皆恭敬供養

此經所在國土城邑亦當擁護并說法者若有衆生謗此經者現身獲得無量重罪命終之後當墮地獄我捨是人不爲擁護佛言善男子我今亦以經典付囑於汝當來之世廣爲宣揚勿令斷滅此經有大利益安樂人天增長福田離三惡趣勿生疑惑常勸受持佛說此經時六万四千人皆得無生法忍觀自在菩薩復白佛言世尊若有衆生信心書寫受持讀誦供養此經者此人命終當生何處得幾所福佛言善男子汝能問此殊勝福事此人命終永離惡趣常生淨土假使有人行菩薩行捨頭目手足及以妻子亦復不

如持此經典此經在處其地方所則爲是塔  
皆應供養

觀自在菩薩復白佛言世尊當來之世持此  
經者我爲授記消滅五逆極重罪障九萬劫  
中常受富貴於八万劫作轉輪聖王佛言如  
是如是善男子我憶過去無量劫時有佛世尊  
名無邊功德法智清淨星宿王如來我於介  
時作娑羅門於彼佛所得聞此經受持讀誦  
得法眼淨其同聽者從是已來不墮惡趣漸  
次當得無上菩提善男子我於無量曠大劫  
中爲此法故捨諸財寶頭目手足妻子城邑  
修淨梵行無悔惱心汝等亦當如是修習是

時大衆聞說過去苦行之事咸皆泣淚白佛  
言希有世尊當來之世有能受持讀誦供養  
此經典者得無量福若有苾芻苾芻及鄔波  
索迦鄔波斯迦等於此經王不能讀誦陀羅  
尼呪不肯受持亦復不能勤修六度於苦惱  
者無憐愍心如是之人於無量劫墮生死海  
受諸苦惱善男子譬如婦人身懷重孕乃至  
十月時此婦人加諸病苦支節痠疼猶如刀  
解不能飲食欲產之時受大劇苦作如是念  
我若免難永不姪欲常修梵行纔產之後還  
行惡法便忘先時苦切之患善男子當來之  
世愚癡衆生亦復如是不信此經亦不讀誦

布施持戒忍辱精進修定修慧貪著俗情樂  
世間事不行三業清淨之因此等衆生墮於  
地獄始生悔心如懷孕婦人身遭極苦受苦  
惱已從地獄出既得人身耽五欲樂其地獄  
苦不能記念還造惡業善男子譬如有人多  
飲藥酒飲已昏迷不知家處佛法僧寶父母  
妻子曾不憶念無恭敬心由昏醉故遂往屍  
林險難之處亦無怖畏惶懼之心作如是念  
豈有天龍藥義之類能怖於我如是醉人雖  
於此時委卧荆棘便生樂想醉醒之後心懷  
追悔自知非法言我從今乃至命盡更不飲  
酒作衆過失後遇惡緣還復耽飲同前造過

愚癡有情亦復如是由貪染故多畜珍財作  
諸憍逸不念三寶棄背尊親亦不修行施戒  
忍等不欲希求淨佛國土此等有情常處生  
死無涯海中當墮地獄長受衆苦設得為人  
處胎之時受衆苦惱被苦逼身便作是念我  
若得免此厄難者更不作罪受斯極苦恒修  
善業願生淨土彼得人身由愚癡故作衆罪  
業還墮惡道是故汝等當善修行勿為放逸  
是我要略之所教誡

尔時具壽阿難隨白佛言世尊此經復有何  
名云何受持佛言此經凡有五名一名救一  
切衆生苦厄二名菩薩真實所問三名神通



莊嚴王四名能成諸佛正覺五名一切法功德莊嚴王佛說是經已諸大菩薩及聲聞衆天龍藥叉阿蘇羅軋達婆人非人等皆大歡喜信受奉行

一切法功德莊嚴王經

大唐神龍元年七月十五日

三藏法師義淨奉制於洛州大福先寺新譯并綴文正字

翻經沙門婆羅門大德槃度讀 梵文

翻經沙門荆州大唐龍興寺大德景證文

翻經沙門大摠持寺上座大宜證文

翻經沙門大薦福寺大德勝莊證義

翻經沙門相州禪河寺大德 玄傘筆受  
翻經沙門溜州大雲寺大德 慧沼證義  
翻經沙門大唐龍興寺大德 智積證義  
中大夫檢校兵部侍郎臣崔 湜 潤文  
太中大夫行給事中上柱國臣盧察 潤文 正字  
太中大夫宗正寺少卿臣沈 務本 潤文  
中大夫前吉州長史上柱國臣李 元敬 正字  
判官朝議郎著作佐郎臣劉 令植  
使秘書監駙馬都尉上柱國觀國公臣楊慎交

佛說拔除罪障呪玉經

唐三藏法師

義淨奉

制譯



如是我聞一時薄伽梵在淨居天上爲諸大衆說微妙法是時曼殊室利菩薩摩訶薩於大衆中即從座起偏露右肩右膝著地合掌向佛瞻仰尊容目未曾捨白佛言世尊此大法門甚深微妙實爲希有然於當來五濁世時惡業衆生具貪恚癡欺誑不信樂行非法不修戒品專行諂僞彼於呪法所有威力神通變現於諸國土隨其方處求者獲益功德成就念誦儀軌祭祀法式皆不信受亦不依行謂非佛說而爲謗毀惡障纏心即便命過墮大地獄受極苦惱無有出期世尊此等衆生旣遭大苦云何救護唯願慈悲救濟今出

尔時釋迦牟尼如來即便舒手摩曼殊室利  
法王子頂告言善哉曼殊室利為欲利益一  
切有情能問如來如是義利汝當諦聽極善  
作意我今為汝說此呪法安樂人天利益一  
切於諸呪法最為殊勝秘密甚深順菩提道  
依真法界獲大功德於臨終時必能憶此大  
力呪王正念現前當生善處即說呪曰

南麼薩婆怛他揭鞞驪 阿羅歌驪 唵

拘麼囉乎嚧比那 毗輸和三婆婆阿揭車

阿揭車 洛呼洛呼 勃纜勃纜 唵唵

氏那市 曼殊室利也 蘇室哩也 多賴

也 湯引薩婆毒溪驪發發 苦麼也 苦麼

也 阿弭都唵婆菩唵婆 婆波跛 謎那  
勢也 莎訶

曼殊室利此即是汝最勝根本呪藏心王神  
呪能除一切苦惱厄難諸惡罪障悉皆消滅  
長壽無病富樂無窮言詞聰辯衆人愛敬亦  
能通利一切呪王時釋迦牟尼如來說是語  
時諸佛刹土及此大地山河江海盡有情界  
六種震動一切惡趣餓鬼傍生琰魔王界地  
獄有情苦惱停息皆得安樂佛復告曼殊室  
利若天若人若男若女在家出家諸有情類  
若能志心受持此呪王者不被惡人之所欺  
謗魔不得便怨不能害毒不能傷一切障礙

毗那夜迦皆自退散其受持者應起此心諸  
佛出世尊難思議法唯佛與佛乃能證知我今  
豈敢輒生誹謗

尔時世尊說此法已彼諸大眾并淨居天及  
餘諸天無量百千俱胝天龍藥叉健達婆阿  
修羅等禁呪成就諸大仙人及曼殊室利法  
王子觀自在菩薩慈氏菩薩大勢至菩薩執  
金剛菩薩如是等諸大菩薩及阿僧祇世界  
諸佛刹土一切如來并諸菩薩當共證知此  
大呪王是不思議法是大神呪是大明呪是  
無上呪是無等等呪能除罪苦障真實不虛  
尔時諸天大眾聞說呪王皆大歡喜頂戴奉行

佛說拔除罪障呪王經





佛說善夜經

唐三藏法師

義淨奉

制譯

如是我聞一時薄伽梵在王舍城竹林園所  
去斯不遠有一苾芻住溫泉側時有一天顏  
貌端嚴光明殊妙過初夜分詣苾芻所彼天  
威光周圍赫奕悉皆照曜普遍溫泉合堂禮  
敬在一面坐白苾芻言大德仁頗先聞善夜  
經不苾芻荅曰我未曾聞如是經典復問天  
言仁先知不天曰我亦不知苾芻曰誰有知

者天曰無上慈父在竹林園仁今可往詣彼  
請問如佛所說當奉行之說是語已忽然不  
現時彼苾芻至天曉已詣世尊所頂禮雙足  
在一面立白言世尊昨夜有天過初更後來  
詣我所光明照耀周遍溫泉而問我言仁頗  
先聞善夜經不我言未聞我問彼天仁先知

不荅言不知我復問言誰有知者彼言無上  
慈父在竹林園仁可往問如佛所說當奉行  
之說是語已忽然不現我緣斯事故來至此  
請問世尊佛告苾芻汝識彼天不荅言不識  
汝今當知彼是三十三天勝妙天子威德大  
將名曰栴檀爲欲利益諸衆生故來覺悟汝

問是經名時彼苾芻復白佛言世尊我今願聞善夜經典唯願世尊哀愍爲說

尔時世尊告苾芻言此善夜經具大功德若有聞者能斷煩惱速證菩提汝應諦聽善極作意吾當爲說過去諸法不應追念未來諸法亦不希求現在諸法勿生染著如是行者

名真解脫尔時世尊即說頌曰

過去不應念 未來不希求 於現在時中

皆如法觀察 妄想心難遣 智人應善觀

宜可速勤修 焉知至明日 由彼死主來

與汝鎮相隨 是故我牟尼 善夜經今說

常願諸有情 離苦獲安樂 不造諸惡業

恒修於衆善

介時世尊為欲利益一切衆生今於長夜得  
安隱樂離諸障惱於生生處增長善根常遇  
三寶不墮惡趣復更說此陀羅尼曰

怛姪他

毗尼婆

引喇你

跋拖摩單滯

摩膩你擻擻擻擻

瞿里健陀里

旃荼里

摩登祇

上薩囉爛帝

莫呼刺膩攝鉢利

斫羯囉婆

引枳

攝伐里莫訶攝伐里

步

精揭

反巨列你

你弭你名揭你訖栗多

引你

莎

引訶引

僧拽體

反天移曇去

頰嚩伽帝

捺囉伽帝

謗蘇迦波

引囊

劫布得

反都谷

迦波

引囊

荅布檀泥

去莎訶

若有苾芻苾芻尼鄔波索迦鄔波斯迦及餘  
善男子善女人等於此善夜經中若一伽他  
若一句呪讀誦受持供養尊重明解其義為  
他演說當知是人於一切時無諸灾厄亦無  
非橫及諸衰惱能知過去七生之事亦不忘  
失大菩提心決定能趣涅槃正道

若有善男子善女人受持讀誦此善夜經者  
於未來世所生之處必定當得宿住之智常  
受尊貴安隱快樂復說頌曰

此人一切時 無有枉橫事 由造順時業

永離非時死 擁護諸衆生 今離病憂怖

不祥及惡夢 險路常安隱 若男子女人

戴持此經者。具相人敬重。所願皆圓滿。

若於身語意。所有諸不善。由此經威力。

終無有惡報。若水火王賊。雷電毒害等。

怨家戰爭時。念經皆得脫。又復有明呪。

若能讀誦者。於一切時中。長善滅諸惡。

即說呪曰

怛姪他 你弭及尼達哩 室哩盧迦引盧

枳你 室哩輸攞陁唎你惡矩比 姪哩底

奴麗 矩都軍底 矩都屈此 雞唳底矩

比你

擁護擁護我某甲於一切恐怖處於一切疾

病苦痛處於一切憂愁相惱處於一切毒虫

毒藥處於一切鬼魅厭禱處於一切王賊水火處於一切猛獸驚怖處於一切謗讟言訟處於一切冤家鬪諍處於一切身意惡業處所有語業四過處於一切厄難危亡處并執金剛神常擁護我某甲并諸眷屬莎引訶復說呪曰

怛姪他

唎唎弭里一里

畢舍脂鉢

拏攝伐里止里莎訶

尔時世尊說是經已時彼苾芻及諸大衆人天八部諸鬼神等皆大歡喜信受奉行

佛說善夜經

虛空藏菩薩能滿諸願最勝心陀羅尼求聞持法

出金剛頂經成就一切義品 唐三藏法師輸波迦羅譯

尔時薄伽梵入諸波羅蜜平等性三摩地從  
定起已即說此能滿諸願虛空藏菩薩最勝  
心陀羅尼曰

南牟

一 阿迦

去引

捨

舒反

二 揭

魚反

婆

去引

耶

余反

三 可

唵

四

阿唎

五

迦

八

麼唎

六

慕唎

七

莎縛訶

八

薄伽梵言此陀羅尼是過去現在一切諸佛

之所同說若能常誦此陀羅尼者從無始來

五無間等一切罪障悉皆消滅常得一切諸

佛菩薩共所護念乃至未成佛來所生之處



虛空藏菩薩恒隨守護令諸有情常所樂見  
諸有善願無不滿足一切苦患皆悉消除常  
生人天不墮惡趣生生之處常憶宿命設不  
加法但能常誦獲福如是若欲加法持此陀  
羅尼求聞持者當於絹素白氈或淨板上先  
畫滿月於中畫虛空藏菩薩像其量下至不  
減一肘或復過此任其力辦菩薩滿月增減  
相稱身作金色寶蓮華上半跏而坐以右押  
左容顏殊妙作熙怡喜悅之相於寶冠上有  
五佛像結跏趺坐菩薩左手執白蓮華微作  
紅色於華臺上有如意寶珠吠琉璃色黃  
光發焰右手復作與諸願印五指垂下現掌

向外是與願印相畫像了已當於空閑寂靜之處或在淨室塔廟山頂樹下隨在一處安置其像面正向西或容向北淨物覆之別作一方木曼荼羅下至一肘過此亦任其壇下安四足或以編附上面去地恰須四指其板若用檀沉作者最爲殊勝不尔或以栢等有香之木爲之亦得如法作已置於像前次應嚴辦五種供具所謂塗香諸花燒香飲食燈明塗香者磨白栢檀爲之花以隨時藥草所生者充若無時花當以粳米或燒蕎麥或取橘栢等葉或用丁香以充花用燒香但以沉檀龍腦隨應用之食除葷穢每須新淨燈用

牛蘇油亦通許當欲具辦此物之時必須晨  
朝盥洗手面護淨如法具辦足已置在壇邊  
然後出外復以淨水重洗手已即作手印掌  
承淨水誦陀羅尼三遍便即飲之其手印相  
先仰舒右手五指拍其屈頭指與大母指相捻狀  
如捻香此是虛空藏菩薩如意寶珠成辦一  
切事印復以此印如前承水誦陀羅尼三遍  
竟已灑頂及身即令內外一切清淨次應往  
詣像所志心禮拜面向菩薩半跏而坐舉去  
像上所覆之物次即須作護身手印其手印  
相先舉右手然後以頭指與大母指相捻狀  
若捻香其頭指屈第二節其第一節極令端

直方始印相如法作此印已置於頂上誦陀  
羅尼一遍次置右肩復誦一遍左肩心喉亦  
復如是作此護身法已一切諸佛及虛空感  
菩薩攝受此人一切罪障即皆消滅身心清  
淨福慧增長一切諸魔及毗那夜迦皆不得  
便復作前印掌承淨水誦陀羅尼一遍灑塗

香等諸供養物并壇及近壇之地復如前作  
護身手印置塗香上誦陀羅尼一遍餘花香  
等乃至木壇各皆如是作此法已花香等物  
即便清淨復作護身手印右轉三匝兼拍上  
下但運其印身不動搖誦陀羅尼七遍隨其  
自心遠近分齊結十方界次應閉目思惟虛

空藏菩薩真身即與此像等無有異復用護  
身印作意請虛空藏菩薩誦陀羅尼二十五  
遍已即舉大拇指向裏招一度頭指如舊復  
作此印誦陀羅尼三遍楨上蓮華以之爲座  
復想菩薩來坐此花即便開目見菩薩已生  
希有心作真身解又誦三遍手印如前作是  
念言今者菩薩來至於此是陀羅尼力非我  
所能唯願尊者暫住於此次取塗香誦陀羅  
尼一遍用塗其壇次復取花亦誦一遍布散  
壇上燒香飲食燈明次第取之皆誦一遍手  
持供養置在壇邊復作念言一切諸佛菩薩  
福慧熏修所生幡蓋清淨香花衆寶之具悉

皆嚴好復作手印誦陀羅尼一遍如前想念  
諸供養物悉得成辦即持供養一切如來及  
諸菩薩如是運心供養中最如其不能辦塗  
香等供養之物但作第二運心供養法亦成  
就即以手印掐珠誦陀羅尼明記遍數誦時閉  
目想菩薩心上有一滿月然所誦陀羅尼字  
現滿月中皆作金色其字復從滿月疏出樹  
行人頂復從口出入菩薩足如自發言諮啓  
菩薩足下誦陀羅尼未止息來所想之字巡  
還往來相續不絕如輪而轉身心若倦即須  
止息至誠瞻仰便坐禮拜閉目復觀滿月菩  
薩極明了已應更運心令漸增長周遍法界

復漸略觀於最後時量如本已方始出觀又  
作前手印誦陀羅尼三遍已舉大拇拍發遣  
菩薩作是念言唯願慈悲布施歡喜後會法  
事復垂降赴如是誦陀羅尼隨其力能或一  
日一上或一日兩上從始至終每如初日遍  
數多少亦如初上不得增減前後通計滿百  
萬遍其數乃終亦無時限然於中間不容間  
闕後於日蝕或月蝕時隨力捨施飲食財物  
供養三寶即移菩薩及壇露地淨處安置復  
取牛蘇一兩盛貯熟銅器中并取有乳樹葉  
七枚及枝一條置在壇邊花香等物加常數  
倍供養之法一一同前供養畢已收前樹葉

重布壇中復於葉上安置酥器還作手印誦  
陀羅尼三遍護持此酥又以樹枝攪酥勿停  
其手目觀日月兼亦看酥誦陀羅尼無限遍  
數初蝕後退未圓已來其酥即有三種相現  
一者氣二者煙三者火此下中上三品相中  
隨得一種法即成就得此相已便成神藥若  
食此藥即獲聞持一經耳目文義俱解記之  
於心永無遺忘諸餘福利無量無邊今且略  
說少分功德如至却退圓滿已來三相若無  
法不成就復應更從初首而作乃至七遍縱  
有五逆等極重罪障亦皆消滅法定成就



虛空藏菩薩能滿諸願最勝心陀羅尼求聞持法三羊

一切功德莊嚴王經 四經同卷

闌鐸

下徒各反

盟鉢

上烏沒反

佇聽

上音

飢饉

下準鎮反

枉

死

上紅往反

販賣

上萬反

辟

蒲閉反

頌

丁可反

瑜他

上羊朱反

下別本

倉廩

下力錦反

多喃

下居鑿反

莫歎

下許割反

賈

西江

音所賈反

未詳

何出

洪師云

車且二字

書候

疑然

唯羅

居

字未敢稟性

上悲品反

白

餠

下飯字

劇苦

上奇逆反

戰掉

下徒

鄔波索

上一古

酸疼

上蘇官反

荆棘

反冬

上音京

無涯

下音吾佳反

拔除罪障呪王經

儀軌

下俱水反

羗驃

上音妙

勃纜

上蒲淡反

唵

戶暗反

發

反末

苦麼

上詩廉反

謎那

上莫

善夜經

嘍

你上郎達反

下女尔反拽體

上羊世反

頰烏割

波囊

下羊反

室哩

上丁反

輸攤

下曾反

矩

俱羽

謗讀

下音

虛空藏菩薩滿願最勝心陀羅尼經

白

疊下牒音

熙怡

下余反

編附

上必反

恰湏

上苦反

蕎

婁

上音

橘柏

上俱音

出反

盥洗

上音

相捻

下泥反

拳

反巨負

楨上

上猪孟

手插

下口反

澍行

上音

注

日蝕

下音

七枚

下音

攪

反古巧

